



# Т О Ш К Е Н Т О Қ Ш О М М И

Газета 1966 йил  
1 июлдан  
чиқа бошлаган

ШАҲАР ИЖТИМОЙ-СИЁСІЙ КУНДАЛИК ГАЗЕТАСИ

№ 133 (11.694)

Баҳоси эркин нархда

**МАМЛАКАТИМИЗДА**

● Гулистон шаҳрида «Ёш мутахассисларнинг электрон тақдироти» кўрик-танлови ўтказилди. Ёш мутахассисларга ахборот-коммуникация технологияларидан фойдаланиш ва дарс жараёнида уларни кенг қўллашда методик ёрдам бериш, илғор тажрибаларни оммалаштиришга хизмат қиладиган мазкур танловда эллик нафарга яқин ёш ўқитувчи ўзларининг электрон тақдиротларини намойиш этишди.

● Ўзбекистон Давлат консерваториясида «Ягонасан, муқаддас Ватан!» республика кўрик-танловининг «Ўзбекнаво» эстрада бирлашмаси Тошкент шаҳар тизимидаги бадий жамоалар ва хонандалар ўртасидаги босқичи бўлиб ўтди.

● Кўқон шаҳрида «Болалар ордуси» Ўзбекистон — Хитой қўшма корхонаси иш бошлади. Болалар учун пойабзаллар ишлаб чиқаришга ихтисослашган, 585 минг АҚШ долларлик замонавий жиҳозлар билан таъминланган қўшма корхонада айни пайтда 18 турдаги сифатли маҳсулот тайёрланиб ички бозорга чиқарилмоқда.

● Тўртқўл туманида жойлашган 16-мактаб янгидан қурилиб, фойдаланишга топширилди. Жами 1 миллиард 565 миллион сўм маблағ сарфланган ушбу зиё масканини «СМП-260» масъулияти чекланган жамияти қурувчилари бунёд этишди.

● Самарқанд шаҳрида «Жисмоний баркамоллик — гўзаллик рами» шиори остида бадий гимнастика фестивали бўлиб ўтди. Вилоят хотин-қизлар кўмитаси, Маданият ва спорт ишлари бошқармаси ҳамда «Соғлом авлод учун» жамғармаси вилоят бўлими ҳамкорлигида ташкил этилган фестивалда шаҳар, туман босқичида муваффақиятли қатнашган беш ёшдан ўн тўрт ёшгача бўлган 150 нафарга яқин қизлар иштирок этди.

● Урганч шаҳридаги Амир Темур номи маданият ва истироҳат боғида «Бўш иш ўринлари» меҳнат ярмаркаси ўтказилди. Тадбирда Хоразм вилоятининг барча шаҳар ва туманларидан 516 та корхона ва ташкилот 3492 та бўш иш ўрни билан қатнашди. Ярмаркада 5400 нафардан зиёд коллеж битирувчилари қатнашди. Тадбир якунида 500 нафарга яқин ёшлар иш ўринларига эга бўлишди.

● Самарқанд туманидаги «Истиқлол шуъласи» масъулияти чекланган жамияти қурилиш материаллари ишлаб чиқаришга ихтисослашган янги технология линияни фойдаланишга топширди. Лойиҳа қиймати 376,5 минг АҚШ долларига тенг бўлган ушбу корхонада ҳозирда бир кеча-кундузда 650 донага яқин сифатли шифер тайёрланмоқда. Жамият фаолияти кенгайтиши ҳисобига 60 та янги иш ўрни яратилди.

**ЖАҲОНДА**

● Кубалик диссидент Гильермо Фаринес мамлакат ҳукуматининг 52 нафар сиёсий маҳсулни озод этиш тўғрисидаги қароридан сўн 135 кундан буён давом этаётган очлиқни тўхтатди.

● Кеча Грецияда касабга уюшмалари даъватига биноан пенсия ислоҳотида қарши олтинчи умуммиллий иш ташлаш акцияси ўтказилди. Унда фақат мамлакат пойтахти Афинанинг ўзида 12 мингга яқин киши қатнашди. Полиция ва намойишчилар тўқнашуви чоғида ҳар иккала томондан тан жароҳати олганлар бўлди.

● Украина ва Молдавияда кучли сув тошқинлари рўй бермоқда. Хусусан, Украинанинг Иваново-Франковск шаҳрида бир кун давомида бир ойлик миқдорда ёмғир ёққанлиги туфайли кўплаб уйлари сув босди. Молдавияда эса айрим дарёлар ўзанидан чиқиб аҳолига катта ҳаф туғдираётгани боис мамлакат халқаро ташкилотларидан ёрдам сўрашга мажбур бўлди.

● Буюк Британия ҳукумати сувдан фойдаланишни чеклади. Бунга мамлакатнинг шимоли-ғарбида ҳаво ҳаддан зиёд исиб кетгани сабаб бўлди. Сув таъминоти билан шуғулланувчи «Юнайтед ютилитиз» компанияси менежери Жон Сандерснинг сўзларига кўра, ҳукумат қарори сув танқислигининг олдини олишга хизмат қиладди. Ушбу қарорга биноан ҳовлига сув сепиш ва томорқани сугориш, автоуловларни ювиш тақиқланди. Қарорга риоя қилмаганларга бир минг фунт стерлинг (1,5 минг АҚШ долларига тенг) миқдорда жарима солинади.

● Жанубий Африка Республикасида 522 каратли олмос топилди. Буюк Британиянинг «Gem Diamonds» компаниясига қарашли қондан топилган бу олмос 15 миллион АҚШ долларига баҳоланган.



**ПОЙТАХТНИНГ  
БИР КУНИ**

**ТАРМОҚ САНОАТ КЎРГАЗМАЛАРИ**

«Ўзэкспомарказ»да Халқаро саноат ярмаркаси ва Кооперация биржасининг биринчи босқичи — тармоқ саноат кўргазмалари доирасида қишлоқ ва сув ҳўжалиги йўналишида фаолият юритаётган корхоналарнинг маҳсулотлари кўргазмаси бўлиб ўтди.

Унда Ўзбекистон Қишлоқ ва сув ҳўжалиги вазирлиги, «Ўзбекенгилсаноат» давлат акциядорлик компанияси, «Ег-мой ва озик-овқат саноати», «Ўзбекчармпойабзали», «Ўзаптасаноат» уюшмалари тизимидаги корхоналар ҳамда кичик бизнес субъектлари иштирок этди.

«Ўзбекчармпойабзали» уюшмаси тизимидаги мавжуд ўттиздан зиёд корхона асосан терини қайта ишлаш, пойабзал ишлаб чиқариш, чарм-атторлик ва сунъий чарм тайёрлаш билан шуғулланади. Юртимизда машинасозлик, транспорт соҳаларининг жадал ривожланиши сифатли чарм маҳсулотларига бўлган талаби оширмоқда. Тизим корхоналари ички бозордаги маъини мустаҳкамлаш учун маҳаллийлаштириш дастурини амалга оширишга эҳтиёткорлик билан қарайди. Мисол учун, жорий йилнинг ўтган 5 ойида соҳада 412 миллион сўмлик маҳсулот тайёрланиб, 219 миллион АҚШ доллари миқдорига маҳ-

сулот экспорт қилинди. 2009-2010 йилларда тизимда 36 янги корхона иш бошлади. Айни пайтда ишлаб чиқаришни маҳаллийлаштириш, саноатнинг бошқа тармоқлари билан кооперацияни ривожлантириш асосида импорт ўринини босувчи маҳсулотлар ишлаб чиқаришга алоҳида эътибор қаратилмоқда.

Ўзбекистон Қишлоқ ва сув ҳўжалиги вазирлигига қарашли ўнга яқин корхона ва қарийб юзта сув ҳўжалиги эксплуатация ташкилоти ўзаро манфаатли ҳамкорлик алоқаларини йўлга қўйиш, тармоқ ичида ва тармоқлараро саноат кооперациясини янада кенгайтириш борасида ўз имкониятларини намойиш этди.

Ярмарка доирасида ташкил этилган корхоналар тақдиротлари ва ахборот алмашув тадбирлари техник ва технологик имкониятлар билан таништириш, ўзаро фикр алмашиш, рақобатбардор маҳсулотлар ишлаб чиқаришни кўпайтириш борасидаги ҳамкорликни янада мустаҳкамлашга хизмат қиладди.



Сайёра ШОЕВА,  
ЎЗА мухбири

Мамлакатимизнинг хорижий давлатлардаги дипломатик ваколатхоналарига Ўзбекистон Республикаси Президенти Ислом Каримовнинг шу йил 18 июнь куни Бухоро вилоятига сафари чоғида Қирғизистонда сўдир этилган воқеалар бўйича берган баёнотида давлат, сиёсат, ишбилармон, эксперт ва таҳлил доиралари ҳамда оммавий ахборот воситалари вакилларида кўплаб фикрлар ва шарҳлар келиши давом этмоқда.

**ИНСОНПАРВАРЛИКНИНГ  
ЮКСАК НАМУНАСИ**

Ажай ПАТНАИК, Ж.Неру номидаги университет ҳузуридаги Халқаро тадқиқотлар мактабининг Россия ва Марказий Осиёни ўрганиш дастури директори (Хиндистон):

«Қирғизистон жанубида рўй берган воқеалар нафақат ушбу мамлакат, балки Марказий Осиёнинг барча давлатлари учун ҳам синов бўлди. Ўзбекистон Президенти Ислом Каримов бундай ўта мураккаб вазиятда ўзининг мустаҳкам иродаси, юксак инсоний кадр-қимматини намойён этди, ҳис-туйғуларига эрк бермади, энг юксак таҳсинга сазовор бўлган сиёсий донолик ва узоқни кўра билиш фазилатларини намойиш қилди.

Шуни ишонч билан айтиш мумкинки, айнан Президент Ислом Каримовнинг позицияси беқарорлик кўламининг кенгайтилишига йўл қўймади. Ўзбекистон бундай вазиятда тезкорлик билан ўз чегарасини очиб, қўшни давлатдан 100 мингдан ортиқ қочқинларни ўз ҳудудида қабул қилгани, уларни жойлаштиргани, тиббий хизмат, озик-овқат таъминоти, маънавий-руҳий ёрдам кўрсатиши ташкил этгани — буларнинг барчаси Ўзбекистоннинг том маънода, Марказий Осиёда тинчлик ва барқарорликнинг кафолати эканини кўрсатди.

Бу воқеалар Ўзбекистон ҳар қандай шароитда ўз иқтисодийтини барқарор ривожлантираётганини, айни вақтда, ҳавфсизлик ва барқарорликни таъминлаш масалаларини ҳам эътибордан четда қолдирмаётганини яна бир бор исботлади. Минтақадаги бошқа бирон-бир давлат бу каби ўта мураккаб муаммони бунчалик тез ва самарали ҳал эта олишига мен ишонмайман.

Шуни таъкидлашни истардимки, кўрқувдан ўз уйлари ташлаб, ўқлар овози даҳшат солмаётган, хунрезлик ва зуравонликлар рўй бермайдиган Ўзбекистон ҳудудида ўтаётган хотин-қизлар ва болаларга ўзбек ҳарбийлари ёрдам бераётган видеоларларни телевидение орқали кўриб, қаттиқ ларзага тушдим. Ҳеч кимни бефарқ қолдирмайдиган ушбу кадрлар дунёнинг барча телеканалларида намойиш этилгани муҳим аҳамиятга эга. Бутун дунё ўзбек халқининг саховати ва меҳр-шафқати, мурувватининг чексизлигига гувоҳ бўлди.

Пировардида шуни таъкидлашни истардимки, Президент Ислом Каримовнинг, Қирғизистонда рўй берган воқеалар — бу минтақадаги вазиятни издан чиқаришни ўз олдига мақсад қилиб қўйган қабих кучларнинг пухта режалаштирилган хатти-ҳаракатидир, деган сўзларини кўллаб-қувватлайман».

**Ж.ЛИПЕР, Европа халқаро муносабатлар институти вице-президенти, сиёсат фанлари профессори (Бельгия):**

«Мен Ўзбекистон Республикасининг Президенти Ислом Каримовнинг қўшни мамлакатда сўдир этилган воқеалар миллатлараро можоро эмас, балки бу кўпурувчиликни уюштирган кучларнинг нияти Ўзбекистонни ҳам

бу қарама-қаршиликка тортишдан иборат бўлган, деган фикрларини тўлиқ қўллаб-қувватлайман.

Ўзбекистоннинг ушбу воқеаларга нисбатан оғир-вазмин ва амалий позициясини юксак баҳолайман».

Экспертнинг фикрича, Қирғизистондаги вазият мураккаб ва қалтислигича қолмоқда. Шу муносабат билан халқаро ташкилотлар, жумладан, Бирлашган Миллатлар Ташкилоти ва Европада ҳавфсизлик ва ҳамкорлик ташкилоти можаронинг такрорланишига йўл қўймайлик мақсадида шотилнч чораларни кўриши даркор. Бунда, экспертнинг фикрича, Бирлашган Миллатлар Ташкилоти Ҳавфсизлик кенгашининг тегишли резолюцияси қабул қилинишига эришиш зарур.

Европа халқаро тадқиқотлар институтининг халқаро масалалар бўйича етакчи эксперти Х.БАЙЗ (Бельгия) Қирғизистоннинг жанубий ҳудудларида рўй берган фожиали воқеалар муносабати билан Ўзбекистон танлаган позиция мутлақо тўғри ва оқилона эканлигини таъкидлади. Эксперт давлатимиз раҳбари ўзини фақуллода маъсулиятли сиёсатчи сифатида намойён этганини таъкидлади. Европанинг кўплаб етакчи сиёсатчилари ва расмий доиралари вакиллари ҳам ана шундай фикрда.

Х.Байз Ўзбекистон томонидан қирғизистонлик қочқинларга зарур ёрдам кўрсатиш бўйича амалга оширилган чора-тадбирларни юксак баҳолади. «Дастлабки кунларда Ўзбекистон ўз давлат бюджетидан гоят катта миқдорда маблағлар ажратди, ўзбек халқи ҳам бефарқ қараб турмади, қочқинларга зарур ёрдам кўрсатди».

**Роҳан ГУНАРАТНА, С.Ражаратнам номидаги халқаро тадқиқотлар мактаби ҳузуридаги Сиёсий зўравонлик ва терроризмни ўрганиш бўйича халқаро марказ директори, профессор (Сингапур):**

«Қирғизистонда сўдир этилган фожиадан бутун жаҳон ҳамжамияти катта ҳавотир ва ташвишга тушди. Бўлиб ўтган воқеалар таҳлили амалга оширилган хунрезликлар олдиндан пухта режалаштирилган ва уюштирилганини кўрсатди. Ўзбекистон Президенти Ислом Каримовнинг, бу четдан туриб уюштирилган, бошқарилган кўпурувчилик ҳаракатидир, деган фикрларини кўллаб-қувватлар эканман, уларни уюштирилганликнинг якуний мақсади Марказий Осиёдаги вазиятни издан чиқариш бўлганини таъкидламоқчиман. Ўзбекистон раҳбари ўзининг узоқни кўра билиш қобилияти ва бой сиёсий тажрибаси туфайли минтақадаги қалтис вазиятнинг ёйилиб кетишига йўл қўймади. Ўзбекистон қочқинларга ўз чегарасини очиб, уларга зарур биринчи ёрдамни кўрсатди, минтақада ўзининг етакчи давлат, шунингдек, тинчлик ва барқарорликни сақлаш тарафдори эканини яна бир бор намойён қилди».

(Давоми 2-бетда).

**ИШ ЎРИНЛАРИ ТАШКИЛ ЭТИШ —  
СОЦИАЛ СИЁСАТНИНГ ЭНГ МУҲИМ  
УСТУВОР ЙЎНАЛИШИ**



8 июль куни Ўзбекистон Республикаси Олий Мажлиси Сенати Кенгашининг мажлиси бўлиб ўтди. Мажлисида 2010 йилда иш ўринлари ташкил этиш ва аҳоли бандлигини таъминлаш дастури бажарилишининг бориши ҳақидаги масала кўриб чиқилди. Мажлисни Ўзбекистон Республикаси Олий Мажлиси Сенатининг Раиси И.Собиров олиб борди.

Ушбу Дастур давлатимиз раҳбарининг 2009 йилнинг асосий яқунлари ва 2010 йилда Ўзбекистон ижтимоий-иқтисодий ривожлантиришнинг энг муҳим устувор йўналишларига бағишланган Вазирлар Маҳкамасининг мажлисидаги маърузасида белгиланган вазифаларни

амалга ошириш доирасида ишлаб чиқилган бўлиб, 2010 йилда ижтимоий-иқтисодий ривожлантиришнинг энг муҳим мақсади ва асосий устувор вазифаси — ислохотларни давом эттириш ва чуқурлаштириш, мамлакатимизни янгилаш ва модернизация қилиш, 2009-2012 йилларга мўлжалланган Инқирозга қарши чоралар дастурини сўзсиз бажариш ва шу асосда иқтисодий ривожланишнинг юқори ва барқарор суръатларини, самарадорлигини таъминлаш, кучли ижтимоий сиёсатни амалга оширишдан иборатдир. (Давоми 2-бетда).

**ҚИСҚА  
САТРАРДА**

Тошкент шаҳар ҳокимлигининг Ахборот хизмати ва ўз мухбирларининг хабарларидан.

✓ **КЕЧА** «Шайхонтоҳур» маҳалласида замонавий услубда қурилган янги болалар ўйин майдончаси фойдаланишга топширилди.

✓ **КЕЧА** Фавқуллода вазиятлар вазирлиги томонидан шаҳар бошқармаси билан ҳамкорликда ташкил этилган матбуот анжуманида мамлакатимиз ҳудудида ёз мавсумида эпидемик вазиятнинг барқарорлигини таъминлаш борасида амалга оширилаётган саноат-ҳаракатлар хусусида сўз борди.

✓ **КЕЧА** Яққасарой туманидаги Абдулла Қаҳҳор номидаги маҳалла ёшлари учун «Қамолот» ЕИҲ бўлими ташаббуси билан «Ёзни «Қамолот» билан» лойиҳаси доирасида «Биринчи тиббий ёрдам» шиори остида ўқув машғулотлари ўтказилди.





**КЕЛАЖАҚДАГИ МУҲИМ КАСБЛАР**

**Америкалик мутахассислар яқин ўн йил ичида мансабга иштиёқманд ёшлар сони кескин кўпаяди, деб ҳисоблашмоқда, деб ёзади The Wall Street Journal.** Айниқса, биотехнология муҳандислиги сингари инновацион доираларда ёш йигит ва қизларга бўлган талаб нисбатда ортиб кетади.

Сўнги ҳисоб-китобларга қараганда, айниқса жадал ривожланаётган соҳаларда мутахассислар танқислиги қаттиқ сезилади. Яқин беш йиллик ичида нанотехнологиялар соҳасида ёшлар учун юз минглаб иш ўринлари очилиши кутилмоқда. Айни пайтда мазкур соҳаларда ойлик маошлар жуда юқори бўлади.

Тиббиётдаги инновациялар ҳам соҳага ёш олимлар кириб келишини тақозо этади. АҚШ соғлиқни сақлаш тизими сунъий аъзоларни ўстириш ҳамда кўриш билан боғлиқ аъзолар тизимини ривожлантиришга алоҳида урғу бермоқда. Ушбу тармоқларда иш ўринлари сони 72 фоизга ошади.

Ҳозирги замонда биоёқилга ва шамол энергиясини ишлаб чиқувчи "яшил касблар" деб ном олган касбларга эҳтиёж охири кетади. Ўқилган соҳасида технологиялар ҳозир унча кўп эмас. Шунинг учун АҚШ меҳнат вазирлиги ёшларни шу соҳада билим олишга даъват этмоқда.

Инновацион соҳалардан ташқари махсус таълим педагоглари, психологлар, архитекторлар ва адвокатлар каби одатий касблар эгалари ҳам катта о бўлган эга бўлиб қолаверибди.

**Чемпионат атрофидаги гаплар**

**Дам олиш соатларида**

**ФИФА ИЮЛДА КОНГРЕССИНИ ТЎПЛАЙДИ**

Бу йилги жаҳон чемпионатида ҳакамларнинг дудмал қарорлари туфайли юзага келган кўпга моҳирли ҳолатлар Халқаро футбол уюшмасини қаттиқ ташвишга солиб қўйди.

Шу муносабат билан ФИФА мунозарали вазиятларни ҳал этиш учун футболга янги технологияларни жорий этиш масаласини кўриб чиқмоқчи. Мазкур мавзу шу йил 21-22 июлда ташкилотнинг Конгрессида ўтказиладиган конгресси йиғилишида кўтариладиган бўлди.

ФИФА президенти Йозеф Блаттер шу ҳақда маълум қилган. Айни пайтда у дарвоза ишғол қилингани аниқлаш учунгина техник инновациялар муҳокама этилишини таъкидлади.

Шунингдек, Блаттер ЖЧ-2010 нимчорак финали ўйинларида ҳакамлар томонидан йўл қўйилган хатолар учун Англия ва Мексика терма жамоаларидан ке-

чирим сўради. Англиянинг Германия билан учрашувида Френк Лемпарднинг соф голини ҳакам ҳисобга олмади. Ваҳоланки унинг зарбасидан сўнг тўп дарвоза чизигини кесиб ўтиб, майдонга сакраб қилиб кетганди. Мексикаликларнинг Аргентинага қарши ўйинида эса, гол муаллифи Карлос Тевес ўйиндан ташқари ҳолатда турганига



қарамай, дарвозага тўп киритилди, деб қайд этилди.

**ҲАКАМ ГОЛНИ СЕЗМАЙ ҚОЛДИ...**

Англия – Германия матчида Френк Лемпард голини кўрмай қолган уругвайлик ҳакам Маурисио Эспиноса воқеани ўз оғзи билан гапириб берди:

«Тўп шундай тезлик билан учиб ўтдики, мен жуда яхши позицияда турганимга қарамай, гол бўлган ёки бўлмагани-

ни сезишга улгурмай қолдим. Юз берган вазият такрорини ўйиндан кейин кўрганимда қанчалик алам қилганини билсангиз эди! Турнирга қанчалик жиддий тайёргарлик кўргандик-а», ҳакам гапларини келтиради Россиянинг спорт газеталаридан бири.

**МАРАДОНА МУРАББИЙЛИКДАН ВОЗ КЕЧИШНИ ЎЙЛАМОҚДА**

Жаҳон чемпионатининг нимчорак финал учрашувида Германия Аргентинани йирик ҳисобда тор-мор этганидан кейин Диего Марадона мураббийлик вазифасини тарк этиш устида бош қотираётганини эътироф этди.

«Мен эртагаёқ кетишим мумкин, деди у мағлубиятдан кейин. – Бу ҳақда яхшилаб ўйлаб олишим, оилам ва ўйинчилар билан маслаҳатлашим керак. Бу ерда маммоллар оз эмас».

1986 йили тўпурар сифатида терма жамоасига муҳим ғалаба келтирган Диего Марадона, ўздан кейин ким келишидан қатъи назар, аргентиналикларнинг ҳужумкор услубини сақлаб қолиши кераклигини таъкидлади. Марадона немислардан мағлубиятни Муҳаммад Алининг тарсақисига ўхшатди.

«Бу менинг ҳаётимдаги энг оғир синов бўлди. Зеро, шунча яхши ўйинчилар билан, яхши одамлар – яхши профессионаллар билан мағлуб бўлиш – бу Муҳаммад Алидан тарсақи олишдай гап, – деди у. – Бошқа сабр-тоқатим қолмади».

Аргентиналиклар ҳимоячиси Габриэль Хайнце Марадонани шошқалоқлик даъват этди. «Яхши-си, эҳтирослар сўниб, бир оз вақт ўтишини кутган маъқул, – деди у. – Марадона жуда яхши ишлади. Бинобарин, у жамоа билан ишлашни давом эттирса нур устига аъло нур бўлади».

Жаҳон чемпионатининг 52 йили давомида аргентиналикларнинг энг ёмон ўйинларини шарҳлар экан, ҳужумчи Карлос Тевес ўзи ва терма жамоадаги шериклари ҳеч нарса қила олмаганларини айтди. «Ўйинни шу тарзда бой бериш жуда ачинарли эди, – деди у. – Биз ёмон ўйнадик. Баъзида эса, хатоларга йўл қўйганимдан кейин уйинга равона бўлишга тўғри келади».

Чемпионат олдида Марадонага ишончсизлик билан қаровчилар бўлганди. ЖАР устидан узил-кесил ғалабадан кейин истеҳзолар тўхтаганди. Аммо энди улар яна янграй бошлаши мумкин...



**ФАБИО КАПЕЛЛО ЎЗИНИНГ АСОСИЙ ХАТОСИНИ ЭЪЛОН ҚИЛДИ**

Англия терма жамоаси бош мураббийи Фабио Капелло ЖАРдаги жаҳон чемпионати олдида йиғин ўтказганини ўзининг энг катта хатоси деб атади.

«Эндиликда у, ўйинчилар ўз оилаларида, дўстлари даврасида бўлишлари учун мавсум охирида уларни қўйиб юборганим яхшироқ бўларди, деб ҳисоблайди. Футболчилар ҳордиқ чиқариб, ўйнаб-қулиб, куч тўплаб, ЖАРга йўл олган бўлишарди.

Бироқ, Капелло чемпионатда яхши ўйин кўрса-

тишга шунчалик иштиёқ билан киришгандики, жамоани тўплаб, у билан машқлар ўтказди. Ўйинчилар ҳориб-чарчаб, ҳолдан тойишганини кўрганида эса, вақт бой берилганди. Энди у бу қилмишини иккинчи бор такрорламайди – ўзига яхшигина сабоқ олди», дея хулоса қилади Livesport.

Англия терма жамоаси жаҳон чемпионатининг илк босқичидаёқ чиқиб кетганига қарамай, унинг мураббийи Фабио Капелло ўз вазифасини сақлаб қолдиган бўлди. MirrorFootball маълум

қилишича, Англия футбол ассоциациясининг кенгашида уни терма жамоа мураббийлигида қолдиришга қарор қилинган. Айбдор сифатида чемпионатда яхши ўйин кўрсата олмаган футболчиларнинг номлари келтирилди.

Ассоциация раҳбари Дэйв Ричардс Капелло ўз лавозимида қолади ва уни ишдан олиш масаласи умуман ҳеч ким томонидан кўтарилмади, дея баёнот берди. Олдинроқ, мураббий бўшатишган тақдирда 12 миллион фунт товон тўланиши эълон қилинганди.

**Тест**

**САДОҚАТИНГИЗНИ АСРАЙ ОЛАСИЗМИ?**

Оилада эр-хотинларнинг бир-бирига садоқат унинг мустаҳкамлигини таъминловчи энг муҳим омиллардан ҳисобланади. Қуйидаги тест саволлари сизнинг ўз садоқатингиз қай даражада эканини билиб олишингиз ва керакли хулосалар чиқаришингизга ёрдам беради.

Қуйидаги таъкидларга қўшилсангиз – уларнинг ҳар бирига иккитадан очко ёзиб боринг. Қўшила олмасангиз, очколар ёзмайсиз.

1. Мен севган ранг – гунафшаранг.
2. Кўпинча қаттиқ зерикшдан юрагим ёрилай дейди.
3. Менинг қаттиқ боғланиб қолган кишим ёки нарсам йўқ.
4. Мен кўпроқ қалбим билан эмас, ақлим билан севаман.
5. Табиатан жиззакиман – тез жаҳлим чиқади.
6. Мен аламиним ичимда сақлайдиган қасоскор одамман.
7. Оилавий ришталар одамнинг дунёқарашини жуда торайтириб юбора-

ди, деб ўйлайман.

8. Мен энг севган жонивор – мушук.
9. Танқидни мутлақо кўтаролмайман.
10. Мен камдан-кам ҳолларда айбдор бўлишим мумкин.

Балларингизни ҳисобланг

**14-20.** Ҳа, сизнинг хонадонингизда ҳамма нарса жойида эмасга ўхшайди. Кайфиятингиз тез-тез ўзгариб туради. Ўзингизни эҳтиёт қилмасангиз, кўнглингиз воқеалар юз бериши мумкин. Яқин кишиларингизга эътиборли бўлинг – шунда садоқатингизга раҳна тушмайди.

**8-12.** Хиёнатга мойилликда сизни айблаб бўлмайди. Аммо инсонларга хос камчиликлардан сиз ҳам ҳоли эмас-сиз. Жуда сермулоҳазалингизгина садоқатингиз бениқсон бўлишига ишонч туғдиради.

**0-6.** Садоқатингизга хиёнат сизга ётдир. Қачонлардир бирон-бир одамга меҳрингиз тушиб қоладиган бўлган тақдирда ҳам оила шаъни сиз учун муқаддаслигича қолаверари.

**Фазовий янгиликлар**

**ОДАМЛАР ЎРНИГА — РОБОТЛАР**

Фазога парвозлар чоғида одамлар билан биргаликда Robonaut 2 дан фойдаланиш режалаштирилмоқда. Шу робот такомиллаштириб борилиши асносида кейинчалик кема бортида одамлар бўлмаган фазовий парвозларни амалга ошириш мумкин бўлади. Фазовий аппаратлар экипажи фақат роботлардан ташкил топади. Robonaut 2 яратувчиларидан бири бўлган General Motors компанияси вакилининг маълум қилишича, мазкур аппарат одамлар билан биргаликда ҳаракат қилишни қўзлаб ишлаб чиқилган.

Робот фазо кемаси экипажининг доимий аъзоси бўлиб қолиши учун шаттл Robonaut 2 ни Халқаро фазовий станцияси(ХФС)га шу йилнинг ўзидаёқ етказиб қўяди (парвоз 2010 йилнинг сентябрга мўлжалланган). Бу – фазога йўлланган илк одамга ўхшаш машина бўлиши керак. R 2 станциянинг бошқа "аъзоси" – Канаданинг Dextre сизга шерик бўлади. Dextre кифасига кўра механик кўри-нишга эга бўлса, моҳиятан иккиланган манипулятор ҳисобланади. Ҳозир у астронавтлар ўрнига тез-тез очик фазога чиқиб, зарур ишларни бажармоқда. Айни вақтда унинг ҳаракат траекторияси ХФС экипажига кўмаклашувчи андронд жойлашган Destiny лабораторияси билан чекланган. Бироқ, келгуси-

да Robonaut 2 орбитал ҳаммуа бортидан ташқарида ҳам ишлашга модификациялаштирилиши мумкин.

"Фазовий станцияда R 2 дан фойдаланиш коинотни ўзлаштиришда одамлар билан роботлар ҳамкорлигини тезлаштиришнинг бошланиши холос, – дея баён қилган NASA вакили Жон Олсон. – Бундай ҳамкорликнинг ўрнатилиши Кўёш тизимини ўрганиш учун ҳал қилувчи аҳамиятга эга бўлади, биз бугун тасаввур қиладиганимиздан анча олға силжиш ва кўпроқ ишлар қилишга эришимизга имкон беради».

**МАРСДАГИ СУВ ЯШАШ УЧУН ЯРОҚЛИ БЎЛГАН**

Олимлар Марсдаги сув ичиш учун яроқли бўлганлигини аниқлашди. Бунга сабаб унинг таркибида нейтрал рН мавжудлигидир. Узоқ ўтмишда – миллиард йиллар олдин Марсда суяқ сув микдори мўл бўлганлиги маълум. Лекин ўша сувлар ичиш учун, яъни ҳаёт учун яроқли ёки яроқсиз экани муаммо бўлиб келаётганди.

Марс жинсларидан бирини тадқиқ этиш жараёнида олимлар улардаги карбонатларнинг (16-34 фоиз массали) концентрацияси фақат бир ҳолатда – яъни таркибида нейтрал ҳуссиятга эга бўлган рН моддаси мавжуд бўлгандагина пайдо бўлиши мумкинлигини аниқ-

лашди. Бу эса Марсда дастлабки даврлар сув бўлганидан далолат беради.

"Бу – роверлар томонидан амалга оширилган энг муҳим кашфиётлардан биридир. Марсдаги тоғ жинсларида карбонатларнинг бўлиши қачонлардир сайёрада ҳаёт учун яроқли шарт-шароитлар бўлганидан дарак беради", – дея изоҳ беради Spirit ва Opportunity жамоаси қатнашчиси Стив Сквайре.

**ТИТАНДА ҲАЁТ БОРЛИГИ АНИҚЛАНДИ**

"Кассини" зонди маълумотлари таҳлили Титанда микроорганизмлар мавжудлиги ҳақидаги тахминлар тўғри эканини тасдиқлади. Титан юзасида ҳарорат 90 К атрофида ўзгариб туради ва бу ҳолат сувнинг суяқ ҳолатда бўлиши мумкинлигини истисно этади. Дарвоқе, мутахассисларнинг бир қисми, ҳаётнинг пайдо бўлиши учун суяқ ҳолатдаги сувнинг бўлиши зарурий шарт эмас, деб ҳисоблайди ва ушбу Сатурн йўлдошида кўп учрайдиган метан ва этан кўлларида микроорганизмлар ривож топиши концепциясини ишлаб чиқмоқда.

Жумладан, 2005 йилда Эймс илмий-тадқиқот маркази (АҚШ) дан Крис Маккей ва Халқаро фазо университети (Франция) дан Хизер Смитлар Isarus журналинда ўз ҳисоб-китобларини эълон қилишди. Уларга кўра, микроблар ацетилен ва водородни истеъмол қилиб яшashi мумкин, деган хулоса келиб чиқади.

**Бу сирли дунё**

**ХИТОЙДА «ШАРҚИЙ ЙЕТИ»НИ ТУТИБ ОЛИШДИ**

Хитойнинг Сичуань вилоятида маҳаллий афсоналарга кўра, дастлаб одам бўлган айқини тутиб олишган. Бу ҳақда уни тутиб олган овчилардан бирига ишора қилган ҳолда The Daily Telegraph газетаси хабар беради. Саросимага тушиб қолган маҳаллий биологлар жонивор ДНКсини анализ қилдириш учун уни Пекинга жўнатишган.

Газета йетини тутиб олганлардан бирининг гапларини келтиради. Унинг айтишича, жонивор сал-пал айқинга ўхшаб кетади. Унинг жунлари йўғу, аммо "кенгуруниқига ўхшаш" думи бор. Овчи, шунингдек, жонивор мушукнинг мийёлашига ўхшаш товуш чиқаришини ҳам гапириб берган.

Ўғил отасига эшикни очди: – Вой, дада! Ойимни роса ҳайрон қолдирадиган бўлдингиз-да – ахир бир соатдан бери сизга телефонда нималарнидир гапириб бераётгандиларку!

Жуда кеч келган эрига хотини жаврайди: – Қайси шайтон сизни йўлдан оздириб юрганди? – Ие, хотин, уни сен ҳам кўргандингми? – тонг қотиб қолган эр хотинидан кўрқаписа сўрайди.

– Итингизни тинчитсангиз бўлмайди! Кеча у шундай тинмай увилладики, қизим

**ЛОТЕРЕЯ ЮТУҒИНИ ОЛИШГА НИҚОБЛАРДА КЕЛИШДИ**

Мамлакат лотерея ўйинлари тарихида энг йирик жекпотни ютган исроиллик эр-хотин ютуқни олишга картон ниқобларда келишган. Шуниси қизиқчи, исмлари эълон қилинмаётган эр-хотинлар тўрт ой давомида 74 миллион шекелли – 20 миллион долларга тенг ютуқ эгаси бўлишганидан беҳабар бўлишган. Яна бир ой келишича – уларга ютуқ тўланмасди – лотерея қойдаларига кўра ютуқ беш ой давомида берилиши мумкин экан.

Оила бошлиғининг айтишича, улар харид қилинган чипталарни текширишмас, ютуқдан ҳам беҳабар эдилар. "Чипталар бир даста қоғозлар орасида ётар ва уларни текшириб кўриш менинг хаёлимга ҳам келмаганди. Лекин турмуш ўртоғим кўярда-қўймай, уларни текшириб кўришга мени мажбур қилди. Текшириб кўрганимда эса, уларнинг бири омадли экани маълум бўлди", – дея эътироф этди ютуқ эгаси.

Шундан кейин оила бу ҳақда лотерея ташкилотчиларини хабардор қилган. Уларни ютуқни олишга тақдир қилишганда, хавфсизлик мақсадида картон ниқобларда келишган. Эр-хотинлар 25 фоиз солиқни тўлашгандан кейин қолган маблағни ўз тасарруфларига олишади.

**БИР ЧИМДИМ КУЛГИ**

ашуладан уй вазифасини бажара олмай қолди.

– Кечирасиз, лекин сизнинг кизингиз биринчи бўлиб бошлаганди-да!

– Бу ерда нима қилиб турибсан?

– Нима қилардим? Келинингиз билан театрда келдик.

– Нега кирмай турибсан?

– Машинани пойлашда бугун менинг навбатим.

Аёл супермаркет кассасига келиб, харидларига пул тўлаш учун ҳамёнини очди. Фазначи ҳамёндаги телевизор пультага кўзи тушиб сўради:

– Кизикувчанлигим учун кечирасиз, пультами хамиша ёнингизда олиб юрасизми?

– Йўқ албатта, гап шундаки, эрим мен билан бирга дўконга келишни истамасди, мен ҳам унга ўчакишиб, пульта ўзим билан олводдим.

## Спорт янгиликлари

ШАҲАР КУБОГИ ҚИЗИҚАРЛИ  
ЎТАДИ

Шахматни ақл гимнастикаси дейишади. Бинобарин, шахмат жойларда, айниқса ёшлар ўртасида қанчалик кўп ривож топса, келажакда бу албатта ўзининг тотли мевасини беради.

Қувонарли томони шундаки, икки йилдан буён Ўзбекистон шахмат федерациясининг Тошкент шаҳар бўлими ташаббуси билан Маданият ва спорт ишлари бош бошқармаси кўмаги остида шахмат бўйича ҳоким кубоги халқаро очик турнири ташкил этилмоқда.

Бу галги мусобақалар 22-31 июль кунлари «Пойтахт» бизнес-марказида бўлиб ўтади.

— Тошкент шаҳрининг 2200 йиллигига бағишлаб

уюштирилган илк турнир жуда қизиқарли, ҳаяжонли лаҳзаларга бой тарзда ўтганди, — дейди Тошкент шаҳар шахмат федерациясининг ижрочи директори Матлуба Афолайан. — Бу йилги мусобақаларда ҳаваскор шахматчилардан тортиб гроссмейстерларгача иштирок этиши мумкин, яъни 7 ёшдан бошлаб, у ёғига қатнашчилар учун ёш тоифаси чегараланмаган. Турнирнинг мукофот жамғармаси эса беш миллион сўмни ташкил этади.

Бу йилги турнирда ҳозиргача 35 киши қатнашиш истагини билдирган. Улар орасида гроссмейстерлар Рашид Зиёдинов, Алексей Барсов, иктидорли ёшлардан спорт усталари Низомиддин Сирождидинов, Александр Касьян, Арина Геворгиян, Юлдуз Ҳамроқуллова, Ольга Собирова, шунингдек



Республика олимпия заҳиралари колледи ўқувчилари, маҳаллалардан сараланган шахматчилар дона суради. Ният қиламизки, кўпроқ

ҳаваскор ёшлар қатнашадиган II халқаро ҳоким кубоги турнирида янги номлар, ёш иктидорлар кашф этилади. Дилшод ИСРОИЛОВ

ТЕРМА ЖАМОАМИЗ ЕВРОПАГА  
БОРАДИ

Футбол мухлисларига маълумки, 2011 йилда Қатар пойтахти Доха шаҳрида Осиё чемпионати бўлиб ўтади.

Осиё чемпионатида қатнашиш ҳуқуқини қўлга киритган Вадим Абрамов бош мураббийлигидаги Ўзбекистон миллий терма жамоаси август ойида Албанияга боради.

Гап шундаки, Осиё чемпионатида муваффақиятли қатнашиб, совриндор бўлишни ният қилган терма жамоамиз нуфузли турнирга тайёргарлик кўриш мақсадида 11 август кунини Албания терма жамоаси билан назорат ўртоқлик учрашувида куч синашади. Ушбу учрашувни уюштиришдан мақсад футболчиларнинг жисмоний ва руҳий тайёргарлигини кўриқдан ўтказиш ва чарм тўп усталарининг ҳолатига баҳо бериш.

Ю. АКБАРОВ

Мирзо Улуғбек тумани халқ таълими, «Қамолот» ЁИХ, Қизил Ярим Ой жамияти, «Соғлом авлод учун» жамғармаси туман бўлими, Ўқувчилар ижодиёти маркази ташаббуси билан яқинда «Гулшан» маданият ва истироҳат боғида мактаблар қошида ташкил этилган оромгоҳлар ўртасида 11 та йўналиш бўйича спорт мусобақалари ва кўнгулочар эстафета ўтказилди. Болалар спортдан ташқари, расм чизиш, рақс, тез айтиш беллашувларида ҳам кат-

Ўзининг чилла кунларини кўплаб болажонлар оромгоҳларда ўтказмоқда. Мактаблар қошида ташкил этилган ва албатта тоғ бағрига яқин сўлим жойлардаги оромгоҳларда ўғил-қизлар тоза ҳаводан баҳра олиб, қизиқарли тадбирлар, спорт мусобақаларида фаол иштирок этмоқда.

## САЛОМАТЛИК ГАРОВИ

та қизиқиш билан иштирок этди. 308-ва 222-мактаб оромгоҳлари дам олувчилари энг фаол қатнашчи сифатида «Қамолот» совринини қўлга киритишди.

— Спорт саломатлик гарови экан,

ёшларнинг жисмонан соғлом шаклланишида, тафаккури кенг, билимли инсон бўлиб вояга етишида бу каби тадбирларнинг аҳамияти катта, — деди Маънавият-тарғибот маркази туман бўлими раҳбари Ди-

лафрўз Жуманиёзова. — Оромгоҳларда дам олаётган ўғил-қизлар айниқса спорт мусобақаларида фаол иштирок этаётганини алоҳида эътироф этиш лозим.

Ширмоной АСРАНОВА

## ШОПЕН АСАРЛАРИ — ЁШЛАР ИЖРОСИДА

Тошкент Давлат педагогика университетида машҳур поляк композитори Ф.Шопен таваллудининг 200 йиллигига бағишлаб чоп этилган «Фредерик Шопен асарлари Ўзбекистонда» китобининг тақдироти бўлиб ўтди.

Тадбирда сўзга чиққанлар бирок композитор Ф.Шопен ўзининг ўлмас асарлари билан жаҳон мусиқа аҳлининг маънавий дунёқарашини бойитганлиги, қолаверса, кўп миллатли курраи замин аҳли ўртасида ўз санъати билан дўстлик ришталарини боғлагани ҳақида гапирдилар.

— Айтиш жоизки, мамлакатимиз мусиқа мактабларида Шопен ижоди ва меросини ўрганиш жараёни чексиз ва сермахсулдир, — дейди китоб муаллифи Қосимжон Сўпиев. —

Бу жараён ёш ижрочиларнинг таҳрибаси ошишига, тингловчининг руҳий юксалишига ёрдам беради. Умуман олганда, учрашувлар, концерт кечалари жаҳон мусиқасининг дурдона асарлари билан танишиш иштиёқида бўлган ёшлар учун ниҳоятда зарурдир.

Яхши маълумки, ўзбекистонлик ёш мусиқачилар кўплаб нуфузли халқаро танловларда совринларни ўринларни эгаллаб келмоқда. Хориждаги гастроль сафарларида ижро санъатини моҳирона на-

мойиш қилиб, мамлакатимиз довуғини дунёга таратган истеъдодли пианиночилар У.Мавлонов, Б.Абдуллаев, Т.Тожиёва, Б.Аҳмаджоновалар Шопен куйларига ҳам ўзгача ёндошиб, мухлисларни хушнуд этмоқда.

Тақдимот маросимида таъкидлаб ўтилганидек, яқинда Ўзбекистон Давлат консерваториясида Ф.Шопен асарлари асосида Сайёра Фопурова ижросида ўтказилган концерт санъат соҳасида йилнинг муҳим воқеаларидан бири бўлиб қолади.

Тадбир давомида фортепианода Шопен асарларидан ижро этган Тошкент давлат педагогика университети талабалари Феруза Бўстонава ва Сабина Татаренко иштирокчилар олқишига сазовор бўлишди.

Гулором ҲАМИДОВА

Айни ўзининг жазирама кунларида ўткир юқумли ичак касалликларининг аҳоли, айниқса ёш болалар орасида кўплаб тарқалиши кузатилади. Ушбу дарддан фориғ бўлиш мумкинми?

## ЎЗ ФАСЛИНИНГ ТАШВИШЛАРИ

Тошкент шаҳар Давлат санитария-эпидемиология назорати маркази томонидан ўтказилган йилги ушбу масалага бағишланди.

Маълумки, соғлом турмуш тарзи, гигиена қоидаларига риоя қилган инсон касалликларга кам дучор бўлади, хусусан, ўткир юқумли ичак касалликлари билан деярли оғримайди. Соғлом турмуш тарзини амалга ошириш учун жисмоний тарбия билан имкони борича шуғулланиш, вақтида дам олиш, тўғри овқатланиш талаб этилади. Бундан ташқари, ёзда ҳўл мева ва सबзавотларни тоза ҳолда истеъмол қилиш лозим.

Йилгида кундек равшан ушбу санитария-гигиена қоидалари хусусида яна бир бор тўхта-

либ ўтилар экан, иссиқ кунлар келиши билан болажонларимиз, ҳатто катталарнинг ҳам очик сув ҳавзаларида, суви ифлос анҳорларда, ҳовузаларда чўмилиши кўп ҳолларда юқумли касалликларга сабаб бўлаётганини алоҳида таъкидлаб ўтилди. Бундай ҳолатларнинг олдини олиш учун энг аввало ҳар бир фуқаро ўз саломатлиги устида ўзи қайғуриши, бу борада мутахассислар жойларда тегишли йўналишда тарғибот-ташвиқот тадбирларини тез-тез ўтказиб туриши мақсадга мувофиқлиги қайд этилди.

Тадбирда бу борада бажарилаётган ишлар сарҳисоби тингланди, келгуси режалар муҳокама қилинди.

Акбар ЙЎЛДОШЕВ

## ТИЖОРАТ ХАБАРЛАРИ ВА ЭЪЛОНЛАР / ТИЖОРАТ ХАБАРЛАРИ ВА ЭЪЛОНЛАР

Ўзбекистон Республикаси Давлат мулкни бошқариш давлат қўмитаси «Республика Кўчмас мулк биржаси» ЁАЖ бошланғич баҳоси ошиб бориш тартибидан ўтказиладиган очик аукцион савдосига тақлиф этади!

Аукцион савдосига такроран Суд Департаментининг Тошкент шаҳар ҳудудий бошқармаси томонидан, 06.03.2006 йилдаги №ЖСК-1-88/2006 ижро ҳужжатига асосан қуйидаги мол-мулклар қўйилмоқда: 1. Тошкент вилояти Қибрай тумани, «Мичурин дала ҳовличилар» ҳудудида жойлашган, 67-сонли дала ҳовли. Бошланғич баҳоси — 331 316 115 сўм. 2. Тошкент шаҳар Юнусобод тумани, Низомий кўчасидаги 12-уй, қурилиши тугалланмаган уй-жой. Бошланғич баҳоси — 192 558 500 сўм. 3. «Хундай Саната» русумли, д/р М44-28 бўлган, 1994 йилда и/ч Тошкент шаҳар Ҳамза тумани, 3.Шамсуддинова кўчаси, 72-ауйда сақланаётган автотранспорт воситаси. Бошланғич баҳоси — 10 989 225 сўм.

Аукцион савдосига такроран Собир Раҳимов тумани СИБ томонидан қуйидаги автотранспорт воситалари қўйилмоқда: 1. 07.04.2008 йилдаги №6299/6 ижро ҳужжатига асосан, «Шайхонтоҳур Инвест» жарима майдонида (Ганга) сақланаётган «Мерседес Бенц-180» русумли, д/р О3956Т бўлган, 1996 йилда и/ч автотранспорт воситаси. Бошланғич баҳоси — 14 171 760 сўм. 2. 16.01.2009 йилдаги №618/22 ижро ҳужжатига асосан, «Себзор» жарима майдонида сақланаётган, «Opel Vectra» русумли, д/р Х532УТМ бўлган, 1992 йилда и/ч автотранспорт воситаси. Бошланғич баҳоси — 6 707 966 сўм.

Аукцион савдоси 2010 йил 3 август кунини соат 11:00да бўлиб ўтади.

Мазкур мол-мулклар билан суд ижрочилари иштирокида бевосита жойига чиқиб танишиш мумкин. Аукцион савдоларида иштирок этиш истагини талабдорлардан аризаларни қабул қилиш аукцион савдосига бир кун қолганда тўхтатилади.

Ушбу савдоларда қатнашиш учун талабдорлар савдо ташкилотчиси билан тузиладиган закат келишувга асосан, мулк бошланғич баҳосининг 10 фоизидан кам бўлмаган миқдорда закат пулини, тўлов ҳужжатида ижро ҳужжати рақами ва санасини кўрсатган ҳолда РКМБнинг «Ипак йўли банки» ОАИКБ Санбон ф-даги қуйидаги ҳисоб рақамига тўлашлари шарт: 20210000300571452114, МФО:01036, ИНН:200933850. Манзил: Тошкент ш., С.Раҳимов т., 1-Қорақамиш кўчаси, 1-А-уй. Тел:228-79-52. www.rkmb.uz.

«Тошшаҳартрансхизмат» уюшмасининг марказий нозимлик хизмати қошида 233-54-86 рақамли ишонч телефони ишламоқда. Ушбу телефон орқали шаҳар жамоат транспорт хизмати хусусида ўз фикр-мулоҳазаларингизни, таклифларингизни, ариза ва шикоятларни маълум қилишингиз мумкин. Телефон орқали шаҳар жамоат транспорт ишидаги мавжуд камчиликларни бартараф этиш, транспорт хизматини янада яхшилашни ўз хиссангизни қўшганингиз учун миннатдорчилик билдирамиз.

«Тошшаҳартрансхизмат» уюшмаси

Тошкент шаҳар Адлия бошқармаси қошидаги Малака комиссияси қарорига асосан Миробод тумани 3-сон давлат нотариал идораси нотариуси Зумрад Ашраповна Шариповага 2005 йил 24 октябрда берилган серия TN 000228 рақамли нотариал фаолият билан шуғулланиш ҳуқуқини берувчи лицензиянинг амал қилиши тугатилди.



МУАССИС: ТОШКЕНТ ШАҲАР  
ҲОКИМЛИГИ

Бош муҳаррир  
Акмал АКРОМОВ

Манзилимиз: 100029,

Тошкент шаҳри,

Матбуотчилар кўчаси, 32

## ТЕЛЕФОНЛАР:

Эълонлар: 233-28-95,

236-57-65. факс: (371) 232-11-39.

Душанба, сешанба, чоршанба, пайшанба  
ва жума кунлари чиқади.

Нашр кўрсаткичи — 563

ISSN 2010-9229

Газета Тошкент шаҳар  
Матбуот ва ахборот  
бошқармасида 02-1-рақам  
билан рўйхатга олинган.

Ҳажми — 2 босма табоқ,  
офсет усулида босилади.  
3840 нусxada босилади.  
Қотон бағичи А-2

МАШРИҚЗАМИН —  
ҲИКМАТ БЎСТОНИ

## ҲИКМАТЛАР

Ақлга сиғарми бундай

Тупроққа ўзини топширса

ажиб ҳол,

шамол.

\*\*\*

Гар бегона сенга ёри

жон бўлур,

Фаниминг юзлари

заъфарон бўлур.

\*\*\*

Ўз қўлида эрур ҳатто

шер кори,

Ҳаракатсиз қўлдан чиқар

шикори.

\*\*\*

Ҳар ишнинг бошида,

охирида бор.

\*\*\*

Борликда нимани истар

эrsa у,

Чархи фалакнинг ҳам

айланиши шу.

\*\*\*

Нечоғлик қоронғи, узун

бўлмасин,

Охири ёруғлик туғар-ку бу тун.

\*\*\*

Қор ёнар топилса агар

қалови,

Хом гапни пиширғай ақл

олови.

\*\*\*

Жон десанг, бойликни

қўзингга илма.

\*\*\*

Мазлум қонин тўкиш

мақбул бўлмайди.

\*\*\*

Жаҳонда қолдирсак агар

яхши ном,

Биздан сўнг фақат шул

этадир давом.

\*\*\*

Қилмишимиз бўлса

ёмонлик озор,

Ўлим ҳаммасини айлағай

ошкор.

\*\*\*

Хоҳ аёл, хоҳ эркак бўлса

агар пок,

Тухмат-маломатдан

дили бўлмас чок.

\*\*\*

Ҳеч кимга қолмағай охир

бу дунё,

Ичу тошинг бир хил бўлсин

доимо.

Эргаш ОЧИЛОВ тайёрлади

«Оқшом» газеталари жамоаси таҳририятнинг собиқ ходими Темур Убайдуллаевга турмуш ўртоғи Васидаҳон ЗАЙНУТДИНОВанинг вафот этганлиги муносабати билан чуқур ҳамдардлик билдиради.

Нашри етказиб бериш масалалари бўйича турар жойлардаги почта бўлимларига ёки «Тошкент почтамити»га — 233-74-05 телефониغا мурожаат қилишингиз мумкин.  
Газета «Тошкент оқшомининг» компьютер марказида терилди ва сақлаланди.  
«Шар» нашрийт-матбаа акциядорлик компанияси босмаханаси. Корхона манзили: Буюк Турон кўчаси, 41-уй.